

BIBLIOTEKA  
Zakl. Nar. im. Ossolińskich  
XVIII 46802



MISSAE  
Defunctorum

Venedig 1718



BIBLIOTEKA  
Zakl. Nar. im. Ossolińskich  
XVIII 46802



**MISSÆ**  
IN AGENDA  
**DEFUNCTORUM**

Tantum deservientes,

**EX MISSALI ROMANO**

RECOGNITO DESUMPTÆ,

Cum Ordinario, & Canone, ut in ipsis servatur:

*Ad usum, & commoditatem omnium Ecclesiarum.*



**VENETIIS,**  
APUD ANDREAM POLETI.  
**MDCCXVIII.**



3

# RITUS CELEBRANDI MISSAM PRO DEFUNCTIS.

DE HIS, QUÆ OMITTUNTUR  
in Missa pro Defunctis.



**I**N Missa pro Defunctis ante Confessionem non dicitur Psalmus; **Judica me Deus**, sed pronunciata Antiphona, **Introibo ad Altare Dei**, & responso à Ministro, **Ad Deum qui lætificat**, &c. dicitur, **Adjutorium nostrum**, & **Confessio**, cum reliquis ut supra. Cum Celebrans ad Altare incipit **Introitum**, non signat se, sed manu dextera extensa, facit signum crucis super librum, quasi aliquem benedicens: non dicitur, **Gloria Patri**: sed post Psalmum repetitur, **Requiem æternam**, nec dicitur, **Gloria in excelsis**, nec **Alleluja**, nec **Jube domne benedicere**, nec **Dominus sit in corde meo**, nec osculatur librum in fine. Non dicitur **Credo**, non benedicitur aqua in Calicem fundenda, dicitur tamen Oratio, **Deus, qui humanæ substantiæ**, &c. Cum lavat manus, in fine Psalmi, **Lavabo inter innocentes**, non dicitur **Gloria Patri**. Ad **Agnus Dei**, non dicitur **miserere nobis**, cujus loco dicitur **dona eis requiem**, nec tertio, **dona nobis pacem**, cujus loco dicitur, **dona eis requiem sempiternam**, neque percutitur pectus, non dicitur prima Oratio ante Communionem, scilicet, **Domine Jesu Christe, qui dixisti Apostolis tuis**, &c. nec datur pax. In fine non dicitur, **Ite Missa est**, nec **Benedicamus Domino**, sed **Requiescant in pace**, Et non datur benedictio: sed dicto **Placeat**, & osculato Altari dicitur ut supra: **In principio erat Verbum**, &c. Alia omnia, ut in aliis Missis.

In Missa solemni non incensatur Altare ad Introitum, & Subdiaconus finita Epistola non osculatur manum Celebrantis, nec benedicitur: Diaconus non petit benedictionem, nec osculatur Celebrantis manum: non tenentur luminaria ad Evangelium, nec portatur incensum, sed duo tantum Acolythi sine Candelabris stant unus à dextris, & alter à sinistris Subdiaconi tenentis librum Evangeliorum. Non incensatur liber, nec in fine Celebrans; nec defertur liber Evangeliorum osculandus. Oblata, & Altare incensantur, ut supra; incensatur solus Celebrans, & non incensantur alii. Subdiaconus non tenet Patenam post Celebran-

tem: sed tempore elevationis Sacramenti genuflexus in cornu Epistolæ illud incensat. Ministri cum aliquid porrigunt Celebranti, in hac Missa non osculantur ejus manum, neque rem quæ porrigitur.

Si distribuendæ sunt Candelæ, distribuantur post Epistolam; & accendantur ad Evangelium, ad elevationem Sacramenti, & post Missam, dum fit Absolutio. Si habendus est sermo, habeatur finita Missa ante Absolutionem.

Finita Missa, si faciendæ est Absolutio, Celebrans retrahit se ad cornu Epistolæ, ubi exiit Casula, & deposito Manipulo accipit pluviale nigrum: Subdiaconus medius inter duos Acolythos cum candelabris accensis, defert Crucem sicut in Processionibus, præcedentibus duobus aliis Acolythis, uno cum thuribulo, & navicula incensi; alio cum vase aquæ benedictæ, & aspersorio: sequitur Celebrans, facta prius Altari reverentia, & Diaconus à sinistris ejus. Subdiaconus cum Cruce sistit se ad pedes tumuli, seu lecticæ mortuorum contra Altare, medius inter dictos Acolythos tenentes luminaria: Celebrans verò ex alia parte in capite loci inter Altare, & tumulum, aliquantum versus cornu Epistolæ, ita ut Crucem Subdiaconi respiciat, à sinistris ejus Diaconus, & propè eum alii duo Acolythi deferentes thuribulum, & vas aquæ benedictæ. Interim cantatur **R. Libera me Domine** & circa illius finem Celebrans ponit incensum in thuribulum, benedicens illud more solito, ministrante Diacono naviculam, & finito **Kyrie eleison** incipit intelligibili voce **Pater noster**, & secretò profecto reliqua accipit aspersorium de manu Diaconi, & facta Altari reverentia, comitante eodem Diacono à dextris, & tenente fimbriam anteriorem pluvialis, circumjens tumulum, aspergit illum aqua benedicta, ter à parte dextera, & ter à sinistra; cum transit ante Crucem, profundè inclinat; Diaconus verò genuflectit: Postea de manu ejusdem Diaconi accipit thuribulum, & eodem modo quo asperferat, incensat. Et rediens ad pristinum locum, Diacono tenente librum, junctis manibus dicit: **Et ne nos**, & **V. A porta inferi** & **Requiescant in pace**, & **Domine exaudi, Dominus vobiscum, Oremus**, cum Oratione, **Absolve quæsumus Domine**, &c. ut in proprio Missarum pro Defunctis, post eam dicens: **Requiem æternam**, &c. facit crucem manu dextera super tumulum: & dicto per cantores, **Requiescant in pace**, præcedente Cruce, redit cum aliis ad Sacristiam.



# ORDO MISSÆ

Sacerdos paratus cum ingreditur ad Altare, facta illi debita reverentia, signat se signo Crucis à fronte ad pectus, & clara voce dicit:



**I**N nómine Patris, & Filii, & Spíritus sancti. Amen.

Deinde junctis manibus ante pectus incipit Antiphonã. Introibo ad altãre Dei.

Ministri *R.* Ad Deum qui lætificat juventutem meam.

Signat se dicens *V.* Adjutorium nostrum in nómine Dómini.

*R.* Qui fecit cœlum & terram.

Deinde junctis manibus profundè inclinatus facit Confessionem.

**C**onfiteor Deo omnipotenti, beatã Mariã semper Virgini, beato Michaëli Archàngelo, beato Joãnni Baptistã, sanctis Apostolis Petro, & Paulo, omnibus Sanctis, & vobis fratres, quia peccavi nimis cogitatione, verbo, & opere: Percutit sibi pectus ter dicens: mea culpa, mea culpa, mea máxima culpa. Ideò precor beatã Mariã semper Virginem, beatum Michaëlem Archàngelum, beatum Joãnnem Baptistã, sanctos Apostolos Petrum, & Paulum, omnes Sanctos, & vos fratres, orãre pro me ad Dóminum Deum nostrum.

Ministri *R.*

**M**isereatur tui omnipotens Deus, & dimissis peccatis tuis, perdúcat te ad vitam ætérnam.

Sacerdos dicit: Amen.

Et erigit se. Deinde Ministri repetunt Confessionem: & ubi à Sacerdote dicebatur, vobis fratres, & vos fratres, à Ministris dicitur, tibi Pater, & te Pater.

Posteà Sacerdos junctis manibus facit absolutionem, dicens:

**M**isereatur vestri omnipotens Deus, & dimissis peccatis vestris, perdúcat vos ad vitam ætérnam.

*R.* Amen.

Signat se signo Crucis, dicens:

**I**ndulgéntiam, absolutionem, & remissionem peccatorum nostrorum, tríbuat nobis omnipotens, & misericors Dóminus. *R.* Amen.

Et inclinatus profectur *V.* Deus tu convérsum vivificabis nos.

*R.* Et plebs tua lætabitur in te.

*V.* Ostende nobis Dómine misericórdiam tuam.

*R.* Et salutãre tuum da nobis.

*V.* Dómine exaudi orationem meam.

*R.* Et clamor meus ad te véniat.

*V.* Dóminus vobiscum.

*R.* Et cum spíritu tuo.

Et extendens, & jungens manus, clara voce dicit, *Oremus.* & ascendens ad Altare dicit secretò:

**A**ufer à nobis, quæsumus Dómine iniquitates nostras: ut ad sancta sanctorum, puris mereámur mentibus introire. Per Christum Dóminum nostrum. Amen.

Deinde manibus junctis super Altare, inclinatus dicit:

**O**ramus te Dómine, per mérita Sanctorum tuorum, osculatur Altare in medio, quorum reliquæ hic sunt, & omnium Sanctorum: ut indulgere digneris omnia peccata mea. Amen.

Posteà Celebrans signans Missale signo Crucis, incipit Introitum: quo finito, jun-

unctis manibus alternatim cum Ministris dicit:

**K**yrie eléison. *R.* kyrie eléison.

**K**yrie eléison. *C*hriste eléison.

**C**hriste eléison. *C*hriste eléison.

**K**yrie eléison. *R.* kyrie eléison.

**K**yrie eléison.

Deinde osculatur Altare in medio, & versus ad populum dicit *V.* Dóminus vobiscum! *R.* Et cum spíritu tuo.

Posteà dicit, *Oremus*, & *Orationes*, unam, aut plures, ut ordo Officii postulat: sequitur *E*pístola, *G*raduale, & *T*raçus, vel *S*equéntia, ut tempus postulat.

Deinde ferens Missale ad cornu Evangelii dicit:

**M**unda cor meum, ac lábia mea, omnipotens Deus, qui lábia Isaïæ Prophætæ cálculo mundásti ignito: ita me tua grata miseratione dignare mundare, ut sanctum Evangelium tuum dignè váleam nunciare. Per Christum Dóminum nostrum. Amen.

Deinde dicit *V.* Dóminus vobiscum.

*R.* Et cum spíritu tuo. **Et pronuncians** *S*equéntia sancti Evangelii secundum Joãnnem.

Pollice dextræ manus signat librum in principio Evangelii, quod est lecturus, deinde seipsum in fronte, ore, & pectore: & *R.* Glória tibi Dómine. Quo finito, *R.* Laus tibi Christe, & immediatè osculatur Altare, & versus ad populum dicit: *V.* Dóminus vobiscum.

*R.* Et cum spíritu tuo.

Posteà dicit *Oremus.* & *Offertorium.* Quo dicto accipit Patenam cum Hostia, quam offerens dicit:

**S**uscipe sancte Pater, omnipotens, ætérne Deus, hanc immaculatam Hostiam, quam ego indignus famulus tuus offero tibi Deo meo vivo, & vero, pro innumerabilibus peccatis, & offensionibus, & negligentis meis, & pro omnibus circumstantibus, sed & pro omnibus fidelibus Christianis vivis atque defun-

ctis: ut mihi, & illis proficiat ad salutem in vitam ætérnam. Amen.

Deinde reposita Hostia super Corporale, & mittens vinum in Calice, & aquam non benedicens dicit: *Oratio.*

**D**eus, qui humanæ substantiæ dignitatem mirabiliter condidisti, & mirabilius reformásti, da nobis per hujus aquæ, & vini mysterium, ejus divinitatis esse consórtes, qui humanitatis nostræ fieri dignatus est particeps, Jesus Christus Filius tuus Dóminus noster: Qui tecum vivit & regnat in unitate Spíritus sancti Deus; per omnia sæcula sæculorum. Amen.

Posteà accipit Calicem, & offert, dicens:

**O**fferimus tibi, Dómine, cálicem salutáris, tuam deprecantes cleméntiam: ut in conspéctu diviniæ majestatis tuæ, pro nostra, & totius mundi salute cum odóre suavitatis ascéndat. Amen.

Deinde facit signum Crucis cum Calice; & illud ponit super Corporale, & palla cooperit: tum junctis manibus super Altare, aliquantulum inclinatus, dicit:

**I**n spíritu humilitatis, & in ánimo contrito suscipiamur à te Dómine: & sic fiat sacrificium nostrum in conspéctu tuo hódie, ut placeat tibi, Dómine Deus.

Erectus expandit manus, easque in altum porrectas jungens, elevatis ad cœlum oculis, & statim demissis, dicit:

**V**eni sanctificátor omnipotens ætérne Deus. **Benedicit oblata profectur**, & béne *✠* dic hoc sacrificium tuo sancto nómini præparatum.

Interim Sacerdos lavat manus, dicens:

**L**avabo inter innocéntes manus meas: & circúndabo altãre tuum, Dómine.

**U**t áudiam vocem laudis: & enárrem univérse mirabilia tua.

**D**ómine diléxi decórem domus tuæ, & locum habitatiónis glóriæ tuæ.

**N**e perdas cum impiis Deus ánimam meam, & cum viris sánguinem vitam meam.



In quorum manibus iniquitates sunt; dextera eorum replata est muneribus.

Ego autem in innocentia mea ingressus sum: redime me, & miserere mei.

Pes meus stetit in directo: in ecclesiis benedicam te Domine.

Sine Gloria Patri.

Deinde aliquantulum inclinatus in medio Altaris, junctis manibus super eo dicit:

Uscipe sancta Trinitas, hanc oblationem, quam tibi offerimus ob memoriam Passionis, Resurrectionis, & Ascensionis Jesu Christi Domini nostri: & in honorem Beate Mariæ semper Virginis, & beati Joannis Baptistæ, & sanctorum Apostolorum Petri, & Pauli, & istorum, & omnium Sanctorum: ut illis proficiat ad honorem: nobis autem ad salutem: & illi pro nobis intercedere dignentur in caelis; quorum memoriam agimus in terris. Per eundem Christum Dominum nostrum. Amen.

Postea osculatur Altare, & versus ad populum: extendens, & jungens manus, voce paululum elevata, dicit:

Orate fratres, ut meum, ac vestrum sacrificium acceptabile fiat apud Deum Patrem omnipotentem.

Minister, seu circumstantes respondent, alioquin ipsemet Sacerdos.

Uscipiat Dominus sacrificium de manibus tuis (vel meis) ad laudem, & gloriam nominis sui, ad utilitatem quoque nostram, totiusque Ecclesie sue sancte.

Sacerdos submissa voce dicit: Amen.

Deinde manibus extensis absolute sine

Oramus, subjungit Orationes secretas.

Quibus finitis, cum pervenerit ad conclusionem clara voce dicit: Per omnia secula seculorum. cum Praefatione ut in sequentibus.

Praefatio incipitur ambabus manibus positus hinc inde super Altare: quas aliquantulum elevat, cum dicit: Sursum corda. Jungit eas ante pectus, & caput inclinat,

cum dicit, Gratas agamus Domino Deo nostro.

Deinde disjungit manus, & disjunctas tenet usque ad finem Praefationis: qua finita, iterum jungit eas, & inclinatus dicit: Sanctus. Et cum dicit: Benedictus qui venit, signum Crucis sibi producit a fronte ad pectus.

Er omni saecula saeculorum.

A men.

Do minus vo bis cum.

Et cum spi ri tu tu o.

Sur sum cor da.

Ha be mus ad Do mi num.

Gra ti as a ga mus Do mi no

De o no stro.

Di gnum, & ju stum est.

Ve re di gnum, & ju stum est,

æ quum, & sa lu ta re, nos ti bi

sem per, & u bi que gra ti as a ge re:

re: Do mi ne san cte, Pa ter om-

ni po tens æ ter ne De us: Per

Chri stum Do mi num no strum.

Per quem ma je sta tem tu am lau-

dant Ange li, a do rant Do mi na-

ti o nes, tremunt Po te sta tes. Cœ-

li, cœ lo rum que Vir tu tes, ac

be a ta Se ra phim, so ci a ex ul ta-

ti o ne con ce le brant. Cum qui-

bus & no stras voces, ut ad mit-

ti ju be as de pre ca mur, sup pli ci

con fes si o ne di cen tes.

San ctus, San ctus, San ctus Do mi nus Deus Sa ba oth.

Pleni sunt caeli, & terra gloria tua.

Hosanna in excelsis.

Benedictus qui venit in nomine Domini.

Hosanna in excelsis.





# CANON MISSÆ.

Sacerdos extendens, & jungens manus, elevans ad cœlum oculos, & statim demittens, profundè inclinatus ante Altare, manibus super eoppositis, dicit:

**T**E igitur, clementissime Pater, per Jesum Christum Filium tuum Dòminum nostrum, supplices rogâmus, ac pètimus. **Osculatur Altare**, uti accèpta hâbeas, & benèdicas. **Jungit manus.** Deinde signet **ter super oblata.** Hæc ✠ dona, hæc ✠ mûnera, hæc ✠ sancta sacrificia illibâta. **Extensis manibus prosequitur:** In primis, quæ tibi offerimus pro Ecclesiâ tua sancta Catholica: quam pacificare, custodire, adunare, & regere digneris toto orbe terrarum, unâ cum famulo tuo Papa nostro **N.** & Antistite nostro **N.** & omnibus orthodoxis, atque Catholicæ, & Apostolicæ fidei cultoribus.

**Commemoratio pro vivis.**

**M**emento Dòmine famulorum famularumque tuarum **N.** & **N.** **Jungit ma-**

nus, orat aliquantulum pro quibus orare intendit: deinde **extensis manibus prosequitur:** Et omnium circumstantium, quorum tibi fides cognita est, & nota devotio: pro quibus tibi offerimus: vel qui tibi offerunt hoc sacrificium laudis: pro se, suisque omnibus: pro redemptione animarum suarum: pro spe salutis & incolumitatis suæ: tibi que reddunt vota sua ætèrno Deo vivo, & vero.

**Infra actionem.**

**C**ommunicantes, & memoriam venerantes, in primis gloriosæ, semper Virginis Mariæ genitricis Dei & Dòmini Nostri Jesu Christi: Sed & beatorum Apostolorum ac Martyrum tuorum, Petri, & Pauli, Andræ, Jacobi, Joannis, Thomæ, Jacobi, Philippi, Bartholomæi, Matthæi, Simonis, & Thaddæi, Lini, Cleti, Clementis, Xysti, Cornelii, Cypriani, Laurentii, Chrysogoni, Joannis, & Pauli, Cosmæ, & Damiani, & omnium Sanctorum tuorum; quorum meritis, precibusque concedas, ut in omnibus protectionis tuæ muniamur auxilio.



**Jungit manus.** Per eundem Christum Dominum nostrum. Amen.

Tenens manus expansas super oblata, dicit:

**H**Anc igitur oblationem servitutis nostræ, sed & cunctæ familiæ tuæ quæsumus Domine, ut placatus accipias, diésque nostros in tua pace dispónas, atque ab æterna damnatione nos eripi, & in electórum tuórum júbeas grege numerári.

**Jungit manus.** Per Christum Dominum nostrum. Amen.

**Q**uam oblationem tu Deus in ómnibus, quæsumus.

**Signat ter super oblata,** bene ✠ dictam, adscri ✠ ptam, ra ✠ tam, rationábilem, acceptabilémque facere dignéris. **Signat semel super Hostiam,** & semel super Calicem: ut nobis Cor ✠ pus, & San ✠ guis fiat dilectíssimi Filii tui Dómini nostri Jesu Christi.

**Q**ui pridie quàm pateretur. **Accipit Hostiam:** accépit panem in sanctas, ac venerábiles manus suas. **Elevat oculos ad cælum,** & elevátis óculis in cælum ad te Deum Patrem suum omnipotentem, tibi grátias agens. **Signat super Hostiam,** bene-

✠ dixit, fregit, deditque discipulis suis, dicens: Accípite, & manducáte ex hoc omnes.

Tenens ambabus manibus Hostiam inter indices, & pollices, profert verba consecrationis secretè, distinctè, & attentè.

**Hoc est enim corpus meum.**

**Prolatis verbis consecrationis,** statim Hostiam consecratam genuflexus adorat: surgit, ostendit populo, reponit super Corporale, iterum adorat, & non disjungit pollices, & indices, nisi quando Hostia tractanda est, usque ad ablu-tionem digitorum.

**Tunc detecto Calice, dicit:** Simili modo postquam cœnatum est. **Ambabus manibus accipit Calicem,** accipiens & hunc præclarum Calicem in sanctas, ac venerábiles manus suas; item tibi grátias agens. **Sinistra tenens Calicem, dextera signat super eum:** bene ✠ dixit, deditque discipulis suis, dicens: Accípite, & bibite ex eo omnes.

**Profert verba consecrationis secretè super Calicem,** tenens illum parum elevatum.

Hic

**Hic est enim Calix sánguinis mei, novi & æterni testamenti: mystérium fidei: qui pro vobis, & pro multis effundétur in remissionem peccatórum.**

**Prolatis verbis consecrationis,** deponit Calicem super Corporale, & dicens secretè: Hæc quotiescúmque fecéritis, in mei memóriam faciétis.

**Genuflexus adorat:** surgit, ostendit populo, deponit, cooperit, & iterum adorat. **Deinde disjunctis manibus dicit:**

**U**Nde & mémores, Domine, nos servi tui, sed & plebs tua sancta, ejúsdem Christi Filii tui Dómini nostri tam beátæ Passiónis, necnon & ab inferis resurrectionis, sed & in cælos gloriósæ ascensionis: offerimus præclaræ majestati tuæ de tuis donis, ac datis.

**Jungit manus, & signat ter super Hostiam, & Calicem si-**

**mul, Hostiam ✠ puram, Hostiam ✠ sanctam, Hostiam ✠ immaculatam.** **Signat semel super Hostiam, & semel super Calicem:** Panem ✠ sanctum vitæ æternæ, & Calicem ✠ salutis perpétuæ.

**Extensis manibus profequitur:**

**S**upra quæ propítio, ac seréno vultu respícere dignéris: & accépta habére, sicuti accépta habére dignátus es múnera púeri tui justí Abel, & sacrificium Patriarchæ nostri Abrahæ: & quod tibi obtulit summus sacérdos tuus Melchisedech, sanctum sacrificium, immaculatam hóstiam.

**Profundè inclinatus junctis manibus, & super Altare positus dicit:**

**S**upplīces te rogāmus, omnipotens Deus: jube hæc perférri per manus sancti Angeli tui in sublíme Altáre tuū, in conspéctu divínæ majestatis tuæ: ut quotquot, **osculatur Altare,** ex hac Altáris participatióne, sacrosánctum Filii tui.

**Jungit manus, & signat semel super Hostiam, & semel super Calicem.** Cor ✠ pus, & Sanguinem sumpsérimus. **Seipsum signat,** omni benedictione cœlesti, & grátia repleámur. **Per eundem Christum Dominum nostrum. Amen.**



Cōmemoratio pro Defunctis.

**M**emento etiam Domine famulorum, famularumque tuarum N. & N. qui nos precesserunt cum signo fidei, & dormiunt in somno pacis. Jungit manus, orat aliquantulum pro iis defunctis, pro quibus orare intendit: deinde extensis manibus prosequitur: Ipsis Domine, & omnibus in Christo quiescentibus, locum refrigerii, lucis, & pacis, ut indulgeas, deprecamur. Jungit manus, & caput inclinat. Per eundem Christum Dominum nostrum. Amen.

Manu dextera percutit sibi pectus, elata parum voce dicens:

**N**obis quoque peccatoribus famulis tuis, de multitudine miserationum tuarum sperantibus, partem aliquam, & societatem donare digneris, cum tuis Sanctis Apostolis, & Martyribus: cum Joanne, Stephano, Matthia, Barnaba, Ignatio, Alexandro, Marcelino, Petro, Felicitate, Perpétua, Agatha, Lucia, Agnete, Cæcilia, Anastasia, & omnibus Sanctis tuis: intra quorum nos consortium, non æstimator meriti, sed veniæ, quæsumus, largitor adnite.

Jungit manus. Per Christum Dominum nostrum.

**P**er quem hæc omnia, Domine, semper bona creas. Signat ter super Hostiam, & Calicem simul, dicens: sanctificas, vivi- ficas, benedixis, & præstas nobis.

Discooperit Calicem, genuflectit, accipit Sacramentum dextera, tenens sinistra Calicem: signat cum Hostia ter à labio ad labium Calicis, dicens: Per ipsum, & cum ipso, & in ipso, bis signat inter Calicem, & pectus, est tibi Deo Patri omnipotenti, in unitate Spiritus sancti. Elevans parum Calicem cum Hostia, dicit: omnis honor, & gloria. Reponit Hostiam, cooperit Calicem, genuflectit, surgit, & dicit:

**P**er omnia sæcula sæculorum.

℞. Amen. Jungit manus.

**O**remus. Præceptis salutari- bus moniti, & divina in- stituti- one formati au- demus dicere. Extendit manus.

**A**ter noster, qui es in cœlis: Sancti-

Et si ceterum nomen tuum: Adveniat regnum tuum: Fiat voluntas tua, sicut in cœlo, & in terra. Panem nostrum quotidianum da nobis hodie: Et dimitte nobis debita nostra, sicut & nos dimittimus debitoribus nostris. Et ne nos inducas in tentationem. ℞. Sed libera nos à malo.

Sacerdos submissa voce dicit: Amen.

Deinde accipit Patenam inter indicem, & medium digitos, & dicit:

**L**ibera nos, quæsumus Domine, ab omnibus malis, præteritis, præsentibus, & futuris: & intercedente beata & gloriosa semper Virgine Dei Genitrice Maria, cum beatis Apostolis tuis Petro, & Paulo, atque Andréa, & omnibus sanctis. Signat se cum Patena à fronte ad pectus: da propitius pacem in diebus nostris, ut operam misericordiæ tuæ adjuti, & à

peccato simus semper liberi, & ab omni perturbatione securi. Submittit Patenam Hostie, discooperit Calicem, genuflectit, surgit, accipit Hostiam, frangit eam super Calicem per medium, dicens: Per eundem Dominum nostrum Jesum Christum Filium tuum. Partem quæ in dextera est, ponit super Patenam. Deinde ex parte quæ in sinistra remansit frangit particulam, dicens: Qui tecum vivit, & regnat in unitate Spiritus sancti Deus.

Aliam mediam partem cum ipsa sinistra ponit super Patenam, & dextera tenens particulam super Calicem, sinistra Calicem, dicit:

**P**er omnia sæcula sæculorum.

℞. Amen.

Cum ipsa particula signat ter super Calicem, dicens:

**P**ax Domini, sit semper vobis cum. ℞. Et cum spiritu tuo. Particulam ipsam immittit in Calicem, dicens secretè:

**H**æc commixtio, & consecratio Corporis, & Sanguinis Domini nostri Jesu Christi, fiat accipientibus nobis in vitam æternam. Amen.

Coo-





Cooperit Calicē, genuflectit, surgit, & inclinatus Sacramēto, junctis manibus dicit:

**A**gnus Dei, qui tollis peccāta mundi, dona eis réquiem.

**A**gnus Dei, qui tollis peccāta mundi, dona eis réquiem.

**A**gnus Dei, qui tollis peccāta mundi, dona eis réquiem sempiternam.

Deinde junctis manibus super Altare, inclinatus, dicit sequentes Orationes.

**D**omine Jesu Christe, Fili Dei vivi, qui ex voluntate Patris, cooperante Spirítu sancto, per mortem tuam mūdum vivificasti, libera me per hoc sacrosāctum Corpus & Sanguinem tuum, ab omnibus iniquitatibus meis, & univērsis malis: & fac me tuis semper inhærere mandātis, & à te nunquam separari permittas. Qui cum eodem Deo Patre, & Spirítu sancto vivis & regnas Deus in sæcula sæculorū. Amen.

**P**recēptio Corporis tui, Dómine Jesu Christe, quod ego indignus sūmere præsumo, non mihi provēniat in iudicium, & condemnatiōnem: sed pro tua pietate profit mihi ad tutamētum mentis, & corporis, & ad medelam percipiendam. Qui vivis, & regnas cum Deo Patre in unitate Spirítus sancti Deus: per omnia sæcula sæculorū. Amen.

*Genuflectit, surgit, & dicit:*

**P**anem cœlestem accipiam, & nomen Dómini invocābo.

Deinde parum inclinatus, accipit ambas partes Hostiæ inter pollicem, & indicem sinistræ manus, & patenam inter eundem indicem, & medium, & dextera percutiens pectus, elevata aliquantulum voce dicit ter devotè, & humiliter:

**D**omine non sum dignus, ut intres sub tectum meum, sed tantum dic verbo, & sanabitur anima mea.

*Posteà dextera se signans cum Hostia super Patenam, dicit:*

**C**orpus Dómini nostri Jesu Christi custodiāt animam meam in vitam æternam. Amen.

*Sumit reverenter ambas partes Hostiæ,*

*jungit manus, & quiescit aliquantulum in meditatione sanctissimi Sacramenti: Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens:*

**Q**uid retribuam Dómino pro omnibus, quæ retribuit mihi? Calicem salutāris accipiam, & nomen Dómini invocābo. Laudans invocābo Dóminum, & ab inimicis meis salvus ero.

*Accipit Calicem manu dextera, & eose signans, dicit:*

**S**anguis Dómini nostri Jesu Christi custodiāt animam meam in vitam æternam. Amen.

*Sumit totum Sanguinem cum particula. Quo sumpto, si qui sunt communicandi, eos communicet, antequam se purificet. Posteà dicit:*

**Q**uod ore sumpsimus Dómine, pure mente capiāmus: & de mūnere temporali fiat nobis remediū sempiternum.

*Interim porrigit Calicem ministro, qui infundit in eo parum vini, quo se purificat, deinde profecquitur:*

**C**orpus tuum Dómine, quod sumpsi, & Sanguis, quem potavi, adhæreat visceribus meis, & præsta: ut in me non remaneat scelerum macula, quem pura, & sancta refecerunt sacramenta. Qui vivis, & regnas in sæcula sæculorū. Amen.

*Abluit digitos, extergit, & sumit ablu-tionem, extergit os, & Calicem, quam operit, & plicato Corporali, collocat in Altari, ut prius: deinde profecquitur Missam. Dicto, post ultimam Orationem: Dóminus vobiscum. R. Et cum spirítu tuo. V. Requiēscant in pace. R. Amen.*

*Inclinat se ante medium Altaris, & manibus junctis super illud, dicit:*

**P**laceat tibi sancta Trinitas, obsequium servitutis meæ, & præsta: ut sacrificium, quod oculis tuæ majestātis indignus obtuli, tibi sit acceptabile, mihi-que, & omnibus, pro quibus illud obtuli, sit, te miserante, propitiabile. Per Christum Dóminum nostrum. Amen.

MIS-

# MISSÆ PRO DEFUNCTIS.

IN COMMEMORATIONE  
Omnium fidelium Defunctorum.

*Introitus.*



Equiem æternam dona eis Dómine: & lux perpétua luceat eis.

*Pfal. 64. T*edecet hymnus Deus in Sion, & tibi reddetur votum in Jerúsalem: exaudi orationem meam, ad te omnis caro veniet.

*Deinde absolutè repetitur, Réquiem æternam. usque ad Psalmum. Oratio.*

**F**idelium, Deus, omnium Cōnditor, & redemptor, animabus famulorum famularumque tuarum, remissionem cunctorum tribue peccatorum: ut indulgentiam, quam semper optaverunt, piis supplicationibus consequantur. Qui vivis, & regnas, &c.

*Lectio Epistolæ beati Pauli Apóstoli ad Corínthios. 1. Cor. 5. g*

**F**ratres, Ecce mysterium vobis dico: Omnes quidem resurgemus, sed non omnes immutabimur. In momento, in ictu oculi, in novissima tuba, canet enim tuba, & mortui resurgent incorrupti, & nos immutabimur. Opórtet enim corruptibile hoc induere incorruptionem: & mortale hoc induere immortalitatem. Cum autem mortale hoc induerit immortalitatem tunc fiet sermo, qui scriptus est: Absorpta est mors in victoria. Ubi est mors victoria tua? Ubi est mors stimulus tuus? Stimulus autem mortis peccatum est: virtus verò peccati lex. Deo autem grátias, qui dedit nobis victoriam per Jesum Christum Dóminum nostrum.

*Graduale. Réquiem æternam dona eis Dómine: & lux perpétua luceat eis.*

*V. Psal. 111. In memoria æterna erit justus: ab auditiōne mala non timébit.*

**T**raetus. Absolve, Dómine, animas omnium fidelium defunctorum ab omni vinculo delictorum. *V. E* grátia tua illis succurrēte, mereantur evadere iudicium ultionis. *V. E*t lucis æternæ beatitudine perfrui.

*Sequentia.*

**D**ies iræ, dies illa, Solvet sæclum in favilla: Teste David cum Sibylla.

**Q**uantus tremor est futurus, Quando Judex est venturus, Cuncta strictè discussurus!

**T**uba mirum spargens sonum Per sepúlchra regionum, Coget omnes ante thronum.

**M**ors stupébit, & natura, Cum resurget creatura, Judicanti responsura.

**L**iber scriptus proferetur, In quo totum continetur; Unde mundus judicetur.

**J**udex ergo cum sedebit Quidquid latet apparebit: Nil inultum remanebit.

**Q**uid sum miser tunc dicturus? Quem patronum rogaturus? Cum vix justus sit securus.

**R**ex tremendæ majestātis, Qui salvandos salvas gratis, Salva me fons pietatis.

**R**ecordare Jesu pie, Quòd sum causa tuæ viæ: Ne me perdas illa die.

**Q**uærens me, sedisti lassus: Redemisti crucem passus: Tantis labor non sit cassus.

**J**uste judex ultionis, Donum fac remissionis

Ante



Ante diem rationis.

**I**ngemisce tanquam reus:

Culpa rubet vultus meus:  
Supplicanti parce Deus.

**Q**ui Mariam absolvisti,  
Et latronem exaudisti,  
Mihi quoque spem dedisti.

**P**reces meæ non sunt dignæ,  
Sed tu bonus fac benignè,  
Ne perenni cremer igne.


**I**nter oves locum præsta,  
Et ab hædis me sequèstra,  
Statuens in parte dextra.

**C**onfutatis maledictis,  
Flammis acris addictis,  
Voca me cum benedictis.

**O**ro supplex, & acclinis,  
Cor contritum quasi cinis,  
Gere curam mei finis.

**L**acrymofa dies illa,  
Qua, resurget ex favilla,  
Judicandus homo reus.

**H**uic ergo parce Deus  
Pie Jesu Domine,  
Dona eis requiem. Amen.

 Sequentia sancti Evangelii secundum Joannem. **Joan. 5.c**

**I**n illo tempore: Dixit Jesus turbis Judæorum: Amen, amen dico vobis, quia venit hora, & nunc est, quando mortui audient vocem Filii Dei: & qui audierint, vivent. Sicut enim Pater habet vitam in semetipso, sic dedit & Filio vitam habere in semetipso, & potestatem dedit ei iudicium facere, quia Filius hominis est. Nolite mirari hoc, quia venit hora, in qua omnes qui in monumentis sunt, audient vocem Filii Dei: & procedent, qui bona fecerunt, in resurrectionem vitæ: qui verò mala egerunt, in resurrectionem iudicii.

**Offertorium.** Domine Jesu Christe, Rex gloriæ, libera animas omnium fidelium defunctorum de pœnis inferni, & de profundo lacu: libera eas de ore leonis, ne absorbeat eas tartarus, ne cadant in obscuro

rum: sed signifer sanctus Michael representet eas in lucem sanctam.

**Q**uam olim Abrahæ promisisti, & semini ejus.

**V.** Hostias & preces tibi, Domine, laudis offerimus: tu suscipe pro animabus illis, quarum hodie memoriam facimus: fac eas, Domine, de morte transire ad vitam.

**Q**uam olim. **Secreta.**

**H**ostias, quæsumus Domine, quas tibi pro animabus famulorum famularumque tuarum offerimus, propitiatus intende: ut quibus fidei Christianæ meritum contulisti, dones & præmium. Per Dominum.

**Communio.** Lux æterna luceat eis, Domine: Cum Sanctis tuis in æternum, quia pius es. **V.** Requiem æternam dona eis Domine: & lux perpétua luceat eis.

**C**um Sanctis tuis. **Postcommunio.**

**A**nimabus, quæsumus Domine, famulorum famularumque tuarum oratio proficiat supplicantium: ut eas & à peccatis omnibus exuas, & tuæ redemptionis facias esse participes. Qui vivis, & regnas, &c.

**D**icto Dominus vobiscum: dicitur Requiescant in pace. **R.** Amen. & non datur benedictio: sed dicto secreto, Placeat tibi sancta Trinitas. & osculato Altari, legitur Evangelium S. Joannis, In principio erat Verbum. ut moris est.

**I N D I E O B I T U S,**  
seu depositionis defuncti. **Introitus.**

**R**equiem æternam dona eis Domine: & lux perpétua luceat eis. **Psal. 64.** Te decet hymnus Deus in Sion, & tibi reddetur votum in Jerúsalem: exaudi orationem meam, ad te omnis caro veniet.

**R**equiem æternam. **Oratio.**

**D**eus, cui proprium est misereri semper & parcere, te supplices exoramus pro anima famuli tui, vel famulæ tuæ **N.** quam hodie de hoc sæculo migrare jussisti: ut non tradas eam in manus

nus

nus inimici, neque obliviscaris in finem: sed jubeas eam à sanctis Angelis suscipi, & ad patriam Paradisi perducì: ut quia in te speravit, & credidit, non pœnas inferni sustineat, sed gaudia æterna possideat. Per Dominum.

**L**ectio Epistolæ beati Pauli Apostoli ad Thessalonicenses. **1. Thes. 4.c**

**F**ratres, Nolumus vos ignorare de dormientibus, ut non contristemini, sicut & cæteri, qui spem non habent. Si enim credimus quod Jesus mortuus est, & resurrexit: ita & Deus eos, qui dormierunt per Jesum, adducet cum eo. Hoc enim vobis dicimus in verbo Domini: quia nos qui vivimus, qui residui sumus in adventum Domini, non præveniemus eos qui dormierunt. Quoniam ipse Dominus in jussu, & in voce Archangeli, & in tuba Dei descendet de cælo: & mortui, qui in Christo sunt, resurgent primi. Deinde nos, qui vivimus, qui relinquimur, simul rapiemur cum illis in nubibus obviam Christo in æera, & sic semper cum Domino erimus. Itaque consolamini invicem in verbis istis.

**Graduale.** Requiem æternam dona eis Domine: & lux perpétua luceat eis.


**V.** Psalmus 111. In memoria æterna erit justus: ab auditione mala non timebit.

**Tractus.** Absolve, Domine, animas omnium fidelium defunctorum ab omni vinculo delictorum.

**V.** Et gratia tua illis succurrente, mereantur evadere iudicium ultionis.

**V.** Et lucis æternæ beatitudine perfrui.

**Sequentia.** Dies iræ. ut supra.

 Sequentia sancti Evangelii secundum Joannem. **Joan. 11.c**

**I**n illo tempore: Dixit Martha ad Jesum: Domine: si fuisset hic, frater meus non fuisset mortuus. Sed & nunc scio quia quæcunque poposceris à Deo, dabit tibi Deus. Dicit ei Jesus: Resurget frater tuus. Dicit ei Martha: Scio quia resurget in resurrectione in novissi-

mo die. Dixit ei Jesus: Ego sum resurrectio & vita: qui credit in me, etiam si mortuus fuerit, vivet: & omnis, qui vivit, & credit in me, non morietur in æternum. Credis hoc? Ait illi: Utiq; Domine, ego credidi, quia tu es Christus Filius Dei vivi, qui in hunc mundum venisti.

**Offertorium.** Domine Jesu Christe, Rex gloriæ, libera animas omnium fidelium defunctorum de pœnis inferni, & de profundo lacu: libera eas de ore leonis, ne absorbeat eas tartarus, ne cadant in obscurum: sed signifer sanctus Michael representet eas in lucem sanctam: Quam olim Abrahæ promisisti, & semini ejus.

**V.** Hostias & preces tibi, Domine, laudis offerimus: tu suscipe pro animabus illis, quarum hodie memoriam facimus: fac eas, Domine, de morte transire ad vitam.

**Q**uam olim. **Secreta.**

**P**ropitiare, quæsumus Domine, animæ famuli tui vel famulæ tuæ **N.** pro qua hostiam laudis tibi immolamus, majestatem tuam suppliciter deprecantes: ut per hæc piæ placationis officia, pervenire mereatur ad requiem sempiternam. Per Dominum.

**Communio.** Lux æterna luceat eis, Domine, Cum Sanctis tuis in æternum, quia pius es.

**V.** Requiem æternam dona eis Domine: & lux perpétua luceat eis. Cum Sanctis.

**Postcommunio.**

**P**ræsta, quæsumus omnipotens Deus, ut anima famuli tui, vel famulæ tuæ **N.** quæ hodie de hoc sæculo migravit, his sacrificiis purgata, & à peccatis expedita, indulgentiam pariter, & requiem capiat sempiternam. Per Dominum.

**In die tertio, septimo, & trigésimo depositionis defuncti dicitur Missa ut supra, exceptis Orationibus, quæ dicuntur ut infra. Oratio.**

**Q**uæsumus Domine, ut animæ famuli tui, vel famulæ tuæ **N.** cujus depositionis diem tertium, vel septimum, vel trigésimum commemoramus, san-

atō-



etorum, atque electorum tuorum largiri digneris consortium: & rorem misericordie tuæ perennem infundas. Per Dominum.

*Secreta.*

**M**unera, quæsumus Domine, quæ tibi pro anima famuli tui, vel famulæ tuæ *N.* offerimus, placatus intende: ut remediis purgata cœlestibus, in tua pietate requiescat. Per Dominum.

*Postcommunio.*

**S**uscipe, Domine, preces nostras pro anima famuli tui, vel famulæ tuæ *N.* ut si quæ ei maculæ de terrenis contagiis adhæserunt, remissionis tuæ misericordia deleantur. Per Dominum.

## IN ANNIVERSARIO

*Defunctorum. Introitus.*

**R**equiem æternam dona eis Domine: & lux perpétua luceat eis. *Psal. 64.* Te decet hymnus Deus in Sion, & tibi redetur votum in Jerúsalem: exaudi orationem meam, ad te omnis caro veniet.

*Oratio.*

**D**eus indulgentiarum Domine, da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, & luminis claritatem. Per Dominum.

*Lectio libri Machabæorum. 2. Mac. 12. g.*

**I**n diebus illis: Vir fortissimus Judas, facta collatione, duodecim millia drachmas argenti misit Jerosolymam offerri pro peccatis mortuorum sacrificium, bene & religiosè de resurrectione cogitans. (Nisi enim eos, qui ceciderant, resurrecturos speraret, superfluum videretur, & vanum orare pro mortuis.) Et quia considerabat quod hi, qui cum pietate dormitionem acciperant, optimam haberent repositam gratiam. Sancta ergo & salubris est cogitatio pro defunctis exorare, ut à peccatis solvantur.

*Graduale.* Requiem æternam dona eis Domine, & lux perpétua luceat eis.

*Oratio.* In memoria æterna erit justus: ab auditione mala non timebit.

*Tractus.* Absolve, Domine, animas omnium fidelium defunctorum ab omni vinculo delictorum.

*Oratio.* Et gratia tua illis succurrente, mereantur evadere iudicium ultionis.

*Oratio.* Et lucis æternæ beatitudine perfrui.

*Sequentia: Dies iræ, &c. est in sequenti Missa, & pro arbitrio Sacerdotis.*

**S**equentia sancti Evangelii secundum Joannem. *Joan. 6. d*

**I**n illo tempore: Dixit Jesus turbis Judæorum: Omne quod dat mihi Pater ad me veniet: & cum, qui venit ad me, non ejectionem foras: quia descendi de cœlo, non ut faciam voluntatem meam, sed voluntatem ejus qui misit me. Hæc est autem voluntas ejus qui misit me, Patris: ut omne, quod dedit mihi, non perdam ex eo, sed resuscitem illud in novissimo die. Hæc est autem voluntas Patris mei, qui misit me: ut omnis, qui videt Filium, & credit in eum, habeat vitam æternam, & ego resuscitabo eum in novissimo die.

*Offertorium.* Domine Jesu Christe, Rex gloriæ, libera animas omnium fidelium defunctorum de pœnis inferni, & de profundo lacu: libera eas de ore leonis, ne absorbeat eas tartarus, ne cadant in obscurum: sed signifer sanctus Michael repræsentet eas in lucem sanctam: Quam olim Abraham promisisti, & semini ejus.

*Oratio.* Hostias & preces tibi, Domine, laudis offerimus: tu suscipe pro animabus illis, quarum hodie memoriam facimus: fac eas, Domine, de morte transire ad vitam.

*Oratio.*

**R**opitiare, Domine, supplicationibus nostris, pro animabus famulorum famularumque tuarum, quarum hodie annua dies agitur, pro quibus tibi offerimus sacrificium laudis: ut eas Sanctorum tuorum consortio sociare digneris. Per Dñm.

*Communio.* Lux æterna luceat eis, Domine: Cum Sanctis tuis in æternum: quia pius

pius es. *Oratio.* Requiem æternam dona eis Domine: & lux perpétua luceat eis.

*Cum Sanctis tuis. Postcommunio.*

**P**raesta, quæsumus Domine, ut animæ famulorum, famularumque tuarum, quorum anniversarium depositionis diem commemoramus, his purgata sacrificiis, indulgentiam pariter & requiem capiant sempiternam. Per Dominum.

*Si pro uno fiat anniversarium dicantur sequentes Orationes. Oratio.*

**D**eus indulgentiarum Domine, da animæ famuli tui, vel famulæ tuæ, cujus anniversarium depositionis diem commemoramus, refrigerii sedem, quietis beatitudinem, & luminis claritatem. Per Dominum.

*Secreta.*  
**P**ropitiare, Domine, supplicationibus nostris pro anima famuli tui, vel famulæ tuæ, cujus hodie annua dies agitur, pro qua tibi offerimus sacrificium laudis; ut eam Sanctorum tuorum consortio sociare digneris. Per Dominum.

*Postcommunio.*

**P**raesta, quæsumus Domine, ut anima famuli tui, vel famulæ tuæ, cujus anniversarium depositionis diem commemoramus, his purgata sacrificiis indulgentiam pariter, & requiem capiat sempiternam. Per Dominum.

## IN MISSIS QUOTIDIANIS

*Defunctorum. Introitus.*

**R**equiem æternam dona eis Domine: & lux perpétua luceat eis. *Psal. 64.* Te decet hymnus Deus in Sion, & tibi redetur votum in Jerúsalem: exaudi orationem meam, ad te omnis caro veniet.

*Oratio.*

*Pro defunctis Episcopis, seu Sacerdotibus. Oratio.*

**D**eus, qui inter Apostolicos sacerdotes, famulos tuos Pontificali, seu Sacerdotali fecisti dignitate vigere, præsta quæsumus: ut eorum quoque perpétuo aggregentur consortio. Per Dominum.

*Pro defunctis fratribus, propinquis, & benefactoribus. Oratio.*

**D**eus, veniæ largitor, & humanæ salutis amator, quæsumus clementiam tuam: ut nostræ congregationis fratres, propinquos, & benefactores, qui ex hoc sæculo transierunt, beata Maria semper Virgine intercedente cum omnibus Sanctis tuis, ad perpétuæ beatitudinis consortium pervenire concedas.

*Pro fidelibus defunctis generalis. Oratio.*

**F**idelium, Deus, omnium Conditor, & redemptor, animabus famulorum, famularumque tuarum, remissionem cunctorum tribue peccatorum: ut indulgentiam, quam semper optaverunt, piis supplicationibus consequantur. Qui vivis, &c.

*Lectio libri Apocalypsis beati Joannis Apostoli. Apoc. 4. c*

**I**n diebus illis: Audivi vocem de cœlo, dicentem mihi: Scribe: Beati mortui, qui in Domino moriuntur. A modò jam dicit Spiritus, ut requiescant à laboribus suis: opera enim illorum sequuntur illos.

*Graduale.* Requiem æternam dona eis Domine, & lux perpétua luceat eis.

*Oratio.* In memoria æterna erit justus: ab auditione mala non timebit.

*Tractus.* Absolve Domine, animas omnium fidelium defunctorum ab omni vinculo delictorum.

*Oratio.* Et gratia tua illis succurrente, mereantur evadere iudicium ultionis.

*Oratio.* Et lucis æternæ beatitudine perfrui.

**S**equentia sancti Evangelii secundum Joannem. *Joan. 9. f*

**I**n illo tempore: Dixit Jesus turbis Judæorum: Ego sum panis vivus, qui de cœlo descendi. Si quis manducaverit ex hoc pane, vivet in æternum: & panis quem ego dabo, caro mea est pro mundi vita. Litigabant ergo Judæi ad invicem, dicentes: Quomodo potest hic nobis carnem suam dare ad manducandum? Dicit ergo eis Jesus: Amen, amen dico vobis: Nisi manducaveritis carnem Filii homi-



hominis, & bibéritis ejus sanguinem, non habébitis vitam in vobis. Qui manducat meam carnem, & bibit meum sanguinem, habet vitam ætérnam: & ego resuscitábo eum in novíssimo die.

**Offertorium.** Dómine Jesu Christe, Rex glóriæ, libera ánimas ómnium fidélium defunctorum de pœnis inférni, & de profundo lacu: libera eas de ore leónis, ne absorbéat eas tártarus, ne cadant in obfúrum: sed signifer sanctus Míchael præsentet eas in lucem sanctam: **Q**uam olim Abrahæ promisisti, & sémini ejus.

✠. Hóstitias & preces tibi, Dómine, laudis offerimus: tu súscipe pro animabus illis, quarum hódie memóriam facimus: fac eas, Dómine, de morte transire ad vitam. **Q**uam olim, &c.

**Pro defunctis Episcopis, seu Sacerdotibus. Secreta.**

**S**uscipe, Dómine quæsumus, pro animabus famulorum tuorum Pontificum, seu Sacerdotum, quas offerimus hóstitias: ut quibus in hoc sæculo Pontificale, seu Sacerdotale donasti méritum, in cœlesti regno sanctorum tuorum júbeas jungi consórtio. Per Dóminum.

**Pro defunctis fratribus, propinquis, & benefactoribus. Secreta.**

**D**eus, cujus misericordiae non est númerus, súscipe propítius preces humilitatis nostræ: & animabus fratrum, propinquorum, & benefactorum nostrorum, quibus tui nóminis dedisti confesiónem, per hæc sacramenta salutis nostræ, cunctorum remissionem tribue peccatorum. Per Dóminum.

**Pro fidelibus defunctis. Secreta.**

**H**ostias, quæsumus Dómine, quas tibi pro animabus famulorum, famularumque tuarum offerimus, propitiatus inténde: ut quibus fidei Christiánæ méritum contulisti, dones & præmium. Per Dóminum.

**Communio.** Lux ætérna luceat eis, Dómine: **C**um Sanctis tuis in ætérnum, quia pius es. ✠. Réquiem ætérnam dona

eis Dómine: & lux perpétua luceat eis **C**um Sanctis tuis.

**Pro defunctis Episcopis, seu Sacerdotibus. Postcommunio.**

**P**rofit, quæsumus Dómine, animabus famulorum tuorum Pontificum, seu Sacerdotum, misericordiae tuæ implorata cleméntia: ut ejus, in quo speraverunt, & crediderunt, ætérnum cápant, te miserante, consórtium. Per Dóminum.

**Pro defunctis fratribus, propinquis, & benefactoribus. Postcommunio.**

**P**raesta quæsumus omnipotens & misericors Deus: ut animæ fratrum, propinquorum, & benefactorum nostrorum, pro quibus hoc sacrificium laudis tuæ obtulimus majestati, per hujus virtutem sacramenti à peccatis ómnibus expiata, lucis perpétuae, te miserante, recipiant beatitudinem.

**Pro fidelibus defunctis. Postcommunio.**

**A**nimabus, quæsumus Dómine, famulorum famularumque tuarum oratio proficiat supplicantium: ut eas, & à peccatis ómnibus exuas, & tuæ redemptionis facias esse partícipes. Qui vivis, & regnas, &c.

**Epistole, & Evangelia superius posita in una Missa pro Defunctis dici possunt etiam in alia Missa similiter pro Defunctis.**

#### ORATIONES DIVERSÆ pro Defunctis.

**In die depositionis, & anniversario Summi Pontificis, dicitur prima Missa, ut supra, præter Orationes, quæ dicuntur ut infra. Oratio.**

**D**eus, qui inter summos Sacerdotes famulum tuum **N.** infábili tua dispositióne connumerári voluisti, præsta quæsumus: ut qui unigéniti Filii tui vices in terris gerébat, sanctorum tuorum Pontificum consórtio perpétuo aggregétur. Per eundem Dóminum. **Secreta.**

**S**uscipe, quæsumus Dómine, pro animabus famuli tui **N.** summi Pontificis, quas

quas offerimus hóstitias: ut cui in hoc sæculo Pontificale donasti méritum, in cœlesti regno sanctorum tuorum júbeas jungi consórtio. **Postcommunio.**

**P**rofit, quæsumus Dómine, animæ famuli tui **N.** summi Pontificis; misericordiae tuæ implorata cleméntia: ut ejus, in quo speravit, & credidit, ætérnum cápant te miserante, consórtium. Per Dóminum nostrum.

**Pro Defuncto Episcopo dicitur prima Missa, ut supra; Orationes verò, ut infra. Oratio.**

**D**eus, qui inter Apostólicos Sacerdotes famulum tuum **N.** Pontificali fecisti dignitate vigere, præsta quæsumus: ut eorum quoque perpétuo aggregétur consórtio. Per Dóminum. **Secreta.**

**S**uscipe, Dómine quæsumus, pro animabus famuli tui **N.** Pontificis, quas offerimus hóstitias: ut cui in hoc sæculo Pontificale donasti méritum, in cœlesti regno Sanctorum tuorum júbeas jungi consórtio. Per Dóminum nostrum. **Postcommunio.**

**P**rofit, quæsumus Dómine, animæ famuli tui **N.** Pontificis, misericordiae tuæ implorata cleméntia: ut ejus in quo speravit, & credidit, ætérnum cápant, te miserante, consórtium. Per Dóminum.

**Pro Defuncto Sacerdote dicuntur eadem Orationes, sed ubi dicitur Pontificali, dicatur Sacerdotali, & pro Pontificis, dicatur Sacerdotis.**

**Si fuerint plures, dicatur ut supra in quarta Missa.**

**Pro Episcopo Cardinali Defuncto dicatur: famulum tuum N. Episcopum Cardinalem Pontificali fecisti dignitate, &c.**

**Pro Presbytero Cardinali dicatur: famulum tuum N. Presbyterum Cardinalem Sacerdotale fecisti, &c.**

**Pro Diacono autem Cardinali dicitur Oratio. Inclina Dómine. quæ habetur paulò infra, hoc modò, ut animabus famuli tui N. Diaconi Cardinalis, quam de hoc, &c.**

**Pro Defuncto Episcopo, alia Oratio.**

**D**A nobis, Dómine, ut animam famuli tui **N.** Episcopi, quam de hujus sæculi eduxisti laborioso certamine, Sanctorum tuorum tribuas esse consórtium. Per Dóminum. **Secreta.**

**A**nnue nobis, quæsumus Dómine, ut animæ famuli tui **N.** Episcopi hæc profit oblatio: quam immolando totius mundi tribuisti relaxári delicta. Per Dóminum. **Postcommunio.**

**H**is sacrificiis, quæsumus omnipotens Deus, purgata anima famuli tui **N.** Episcopi, ad indulgentiam, & refrigerium sempiternum pervenire mereatur. Per Dóminum.

**Pro Defuncto Sacerdote.**

**Et possunt dici pro pluribus in numero plurali. Oratio.**

**P**raesta quæsumus Dómine, ut anima famuli tui **N.** Sacerdotis, quem in hoc sæculo commorantem, sacris munéribus decorasti, in cœlesti sede gloriósa semper exúltet. Per Dóminum. **Secreta.**

**S**uscipe, Dómine quæsumus, pro animabus famuli tui **N.** Sacerdotis quas offerimus hóstitias, ut cui sacerdotale donasti méritum, dones & præmium. Per Dóminum. **Postcommunio.**

**P**raesta quæsumus omnipotens Deus: ut animam famuli tui **N.** Sacerdotis in congregatióne justorum, ætérnæ beatitudinis júbeas esse consórtium. Per Dóminum nostrum.

**Pro uno Defuncto. Oratio.**

**I**nclina Dómine aurem tuam ad preces nostras, quibus misericordiam tuam supplices deprecámur: ut animam famuli tui, quam de hoc sæculo migrare iussisti, in pacis ac lucis regione constituas: & Sanctorum tuorum júbeas esse consórtium. Per Dóminum. **Secreta.**

**A**nnue nobis, quæsumus Dómine: ut animæ famuli tui hæc profit oblatio, quam immolando, totius mundi tribuisti relaxári delicta. Per Dóminum nostrum.

**Post-**



**Postcommunio.**

**A**bsolve, quæsumus Dómine, animam famuli tui ab omni vínculo delictorum: ut in resurrectionis gloria, inter Sanctos, & electos tuos resuscitatus respiret. Per Dóminum.

**Pro una defuncta. Oratio.**

**Q**uæsumus Dómine, pro tua pietate miserere animæ famulæ tuæ: & à contágiis mortalitatis exutam, in æternæ salvatiōnis partem restitue. Per Dóminum.

**Secreta.**

**H**is sacrificiis, quæsumus Dómine, anima famulæ tuæ à peccatis omnibus exuatur, sine quibus à culpa nemo liber existit: ut per hæc piæ placatiōnis officia, perpétuam misericórdiam consequatur. Per Dóminum.

**Postcommunio.**

**I**nvéniat, quæsumus Dómine, anima famulæ tuæ lucis æternæ consórtium: cujus perpétuæ misericórdiæ consecuta est sacramentum. Per Dóminum.

**Pro patre, & matre Sacerdotis.****Oratio.**

**D**eus, qui nos patrem, & matrem honorare præcepisti, miserere clementer animabus patris, & matris meæ, eorumque peccata dimitte, meque eos in æternæ claritatis gaudio fac videre: Per Dóminum.

**Secreta.**

**S**uscipe sacrificium, Dómine, quod tibi pro animabus patris, & matris meæ offero, eisque gaudium sempiternum in regione vivorum concede: meque cum illis felicitati Sanctorum conjunge. Per Dóminum.

**Postcommunio.**

**C**elestis participatio sacramenti, quæsumus Dómine, animabus patris, & matris meæ requiem, & lucem obtineat perpétuam: meque cum illis gratia tua coronet æterna. Per Dóminum.

**Si pro patre tantum, vel matre tantum, dicatur in singulari. Oratio.**

**D**eus qui nos patrem, & matrem honorare præcepisti: miserere clementer animæ patris mei, vel matris meæ, eisque peccata dimitte: meque cum, vel

eam in æternæ claritatis gaudio fac videre. Per Dóminum.

**Secreta.**

**S**uscipe, sacrificium, Dómine, quod tibi pro anima patris mei, vel matris meæ offero: eisque gaudium sempiternum in regione vivorum concede: meque cum illo, vel illa, felicitati Sanctorum conjunge. Per Dóminum.

**Postcommunio.**

**C**elestis participatio sacramenti, quæsumus Dómine, animæ patris mei, vel matris meæ requiem, & lucem obtineat perpétuam: meque cum illo, vel illa, gratia tua coronet æterna. Per Dóminum nostrum.

**Pro defunctis fratribus, propinquis, & benefactoribus. Oratio.**

**D**eus, véniæ largitor, & humanæ salutis amátor, quæsumus clementiam tuam: ut nostræ congregatiōnis fratres, propinquos, & benefactōres, qui ex hoc sæculo transierunt: beata María semper Virgine intercedente cum omnibus sanctis tuis, ad perpétuæ beatitudinis consórtium pervenire concedas. Per Dóminum.

**Secreta.**

**D**eus cujus misericórdiæ non est numerus, suscipe propitius preces humilitatis nostræ: & animabus fratrum, propinquorum, & benefactorum nostrorum, quibus tui nominis dedisti confessionem, per hæc sacramenta salutis nostræ, cunctorum remissionem tribue peccatorum. Per Dóminum.

**Postcommunio.**

**P**ræsta quæsumus omnipotens & misericors Deus: ut animæ fratrum, propinquorum, & benefactorum nostrorum, pro quibus hoc sacrificium laudis tuæ obtulimus majestati; per hujus virtutem sacramenti à peccatis omnibus expiata, lucis perpétuæ, te miserante, recipiant beatitudinem. Per Dóminum.

**Pro his, qui in Cœmeterio requiescunt. Oratio.**

**D**eus, cujus miseratiōne animæ fidelium requiescunt, famulis, & famulibus

**Secreta.**

**H**is, Dómine quæsumus, placatus intende munéribus: & quod ad laudem tui nominis supplicantes offerimus, ad indulgentiam proficiat defunctorum. Per Dóminum.

**Postcommunio.**

**S**upplices, Dómine, pro animabus famulorum, famularumque tuarum, famularumque tuarum, & omnium catholicorum, hic & ubique in Christo dormientium, hóstiam, Dómine, suscipe benignus oblata: ut hoc sacrificio singulari, vinculis horrendæ mortis exuti, vitam mereantur æternam. Per eundem Dóminum.

**Postcommunio.**

**D**eus, fidelium lumen animarum, adesto supplicatiōibus nostris: & da famulis, & famulibus tuis, quorum corpora hic, & ubique in Christo requiescunt, refrigerii sedem, quietis beatitudinem, & luminis claritatem. Per eundem Dóminum nostrum.

**Pro pluribus Defunctis. Oratio.**

**D**eus cui proprium est misereri semper, & parcere, propitiare animabus famulorum famularumque tuarum, & omnia eorum peccata dimitte: ut mortalitatis vinculis absolutæ, transire mereantur ad vitam. Per Dóminum.

**Secreta.**

**A**nnue nobis, quæsumus Dómine, ut animabus famulorum, famularumque tuarum hæc profit oblatio: quam immolando, totius mundi tribuisti relaxari delicta. Per Dóminum.

**Postcommunio.**

**D**eus, cui soli competit medicinam præstare post mortem, præsta quæsumus: ut animæ famulorum, famularumque tuarum terrenis exutæ contágiis, in tuæ redemptionis parte numerentur. Qui vivis, & regnas.

**Alia pro pluribus Defunctis. Oratio.**

**A**nimabus, quæsumus Dómine, famulorum, famularumque tuarum misericórdiam concede perpétuam: ut eis proficiat in æternum, quod in te speraverunt, & crediderunt. Per Dóminum nostrum.

**H**is, Dómine quæsumus, placatus intende munéribus: & quod ad laudem tui nominis supplicantes offerimus, ad indulgentiam proficiat defunctorum. Per Dóminum.

**S**upplices, Dómine, pro animabus famulorum, famularumque tuarum preces effundimus, obsecrantes: ut quidquid conversatiōne contraxerunt humana, & clementer indulgeas, & in tuorum sede lætantium constituas redemptorum. Per Dóminum nostrum Jesum Christum Filium tuum: Qui tecum vivit, & regnat in unitate Spiritus sancti Deus, per omnia sæcula sæculorum. R. Amen.

**SUPER TUMULUM Defuncti. Oratio.**

**A**desto, quæsumus Dómine, supplicatiōibus nostris, & piæ aures tuas ad preces nostras inclinare digneris, ut nos de throno majestatis tuæ clementer exaudias, & oratiōes famulatus nostri dignanter admittas. Te invocamus Dómine sancte, Pater omnipotens, æternæ Deus, pro anima famuli tui **N.** quem hodierna die de hac luce vocare dignatus es, ut jubeas ei præparari paradisi tui loca viréntia, non exurat eum flamma ignis crudelis gehennæ: quia propterea Dóminus noster Jesus Christus Filius tuus in ligno Crucis, sub Póntio Piláto pati dignatus est, ut animas, quæ per Adæ transgressiōnem perierant, sua sancta Resurrectiōne, ab inférni claustris liberaret.

**C**onfundantur ergo gehennæ janitores, & ministri nequitiæ erubescant. Deducant eam Angélicæ potestates in sinum Patriarcharum Abrahamæ, Isaac, & Jacob patrum nostrorum: consequatur à tua potentia paratam electis jucunditatem, & à dextris hæreditate adæpta lætetur: ut cum dies ille tremendæ agnitiōnis tuæ advenerit, unâ cum Sanctis, & electis tuis, qui tibi placuerunt, resurgere mereatur ad indulgentiam,



tiam, non ad pœnam. Et animam illam, quam fontis unda perfudit, & chrisma salutis inunxit, non sinas flammarum ardoribus cruciari, nec peccatorum vinculis alligari: sed liberam redde Paradiso tuo: per indulgentiam pietatis tuæ, quia tuam clementiam, dum in hoc sæculo consistit, non negavit. Per Christum Dominum nostrum. *R.* Amen.

*V.* Requiem æternam dona eis Domine.


*R.* Et lux perpétua luceat eis.

*V.* Requiescant in pace.

*R.* Amen.

**A** Nimæ omnium fidelium Defunctorum, per misericordiam Dei requiescant in pace.

*R.* Amen.

 Inítium sancti Evangelii secundum Joannem. *Joan. 1.*

**I**N principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil, quod factum

est: in ipso vita erat, & vita erat lux hominum, & lux in tenebris lucet, & tenebræ eam non comprehendérunt. Fuit homo missus à Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est: & mundus eum non cognovit. In propria venit, & sui eum non recepérunt. Quotquot autem recepérunt eum, dedit eis potestatem filios Dei fieri, his, qui credunt in nomine ejus: qui non ex sanguinibus, neque ex voluntate carnis, neque ex voluntate viri: sed ex Deo nati sunt. **Et Verbum caro factum est,** & habitavit in nobis, & vidimus glóriam ejus, glóriam quasi Unigeniti à Patre, plenum grátia, & veritatis.

*Finito Evangelio discedens pro gratiarum actione dicit Antiphonam. Trium puerorum.*

*Sanctus Gregorius.*

**P**œna vivorum, & mortuorum relaxabitur illis, pro quibus dicitur Missa, præcipue illorum, pro quibus oratur in speciali.

*Sanctus Hieronymus.*


**P**ro quâlibet Missa devotè celebrata plures animæ exeunt de Purgatorio.

*Sanctus Hieronymus.*

**A** Nimæ, quæ in Purgatorio torquentur, pro quibus solet Sacerdos in Missa orare, interim nullum tormentum sustinent, dum Missa celebratur.

*Sanctus Gregorius.*

**A** Udire Missam devotè, alleviat animas fidelium Defunctorum, & remittit peccata eorum.



F I N I S.

*Handwritten notes:*  
A  
A. 5.  
III 35



